



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

46. de voluntate quo ad suos effectus.

urn:nbn:de:hbz:466:1-38840

Abrahe immolare Filium, nec tamen voluit, nec ideo precepit vt id fieret, sed vt Abrahe probaretur fides. Et in Euag. precepit sano ne cui diceret: ille autem predicauit vbiq; intelligens Deū non ideo prohibuisse, quin vellet opus suum predicari: sed vt daret formam homini laudem humanam declinandi.

DE VOLVNTATE QVO-
ad suos effectus.

DISTINCT. Quadragesimesextæ
CAP. Primum.

Voluntas Dei Beneplaciti semper impletur.

Dictum est in superioribus, quod voluntas Dei beneplaciti non potest cassari: quia illa voluntate fecit quæcūque voluit in cælo & in terra: sed quæritur quomodo accipiendū sit quod Apostolus ait, Vult omnes homines saluos fieri: quum non omnes salui fiant, humana voluntate impediēte voluntatem Dei: & Dominus in Euangelio, Quoties volui (ait) congregare filios tuos, sicut gallina congregat pullos sub alas, & noluisti? Ad hæc respondet Augu. in Enchirid. quod sensus huius, Vult omnes homines saluos, &c. est, q̄ nullus homo fit saluus, nisi quem vult saluum fieri: siue quod quicumque saluatur, Dei voluntate saluatur.

Questio.

Respsio.

1. Tim.

Matt.

23.

Ca. 98

Ca. 97 Ideo, inquit Aug. rogandus est, ut velit quod
 necesse est fieri, si voluerit. Sic & illud, quo-
 ties volui, &c. Non enim sensus est, quod
 voluerit, & non sit factum (ait Aug.) quod
 voluit, quia ipsa noluerit: sed quia noluit, ea
 nolente collegit quos voluit. Ideo dictum
 est, quoties volui congregare, & noluisti? i.
 quotquot cōgregavi mea volūrate, te nolēte
 feci. & ad hunc sensum intelligitur illud Io-
 hannis 1. Illuminat omnem hominem ve-
 nientem in hunc mundum. non quod omnes
 illuminentur, sed quod nullus est illumina-
 tus, qui non sit ab ipso illuminatus, &c.

C A P. 2. *Mala culpæ Deus fieri non vult,
 non vult tamen ea non fieri.*

Q Vidam dicunt Deū mala velle esse &
 fieri: sic disputātes: Primò, si deus ea
 nollet fieri, nō fierent: quia eius volūtati ne-
 mo resistere potest. Secundò, vult deus vel
 mala fieri, aut non fieri. Si vult non fieri, non
 fiunt: sed illa fiunt, vult ergo illa fieri. Tertio,
 bonum est mala esse vel fieri: alioqui summè
 bonus non permetteret ea fieri: ergo vult il-
 la fieri.

Alij autem dicunt Deum mala non velle
 fieri vel esse. & præmissis rationibus respon-
 dent Deum nec velle mala fieri, nec velle nō
 fieri, vel nolle fieri, sed tantum non velle fie-
 ri: quia si vellet ea fieri vel esse, faceret ea fie-
 ri vel esse: & ita esset author malorum.

Joan. 1.

7A. 1

Itē, si nollet fieri, vel vellet non fieri, & tamen fierent, omnipotens non esset: quum eius voluntas humanæ voluntatis effectu impediretur. Idēoque non cōcedunt Deum velle mala fieri, ne author malorum Deus intelligatur: nec concedunt eum velle mala nō fieri, ne impotēs esse videatur: sed tantūm dicūt eum non velle mala fieri. Vnde Ioh. 1. dictū est, ~~Sine ipso factū est nihil. i. peccatū.~~

Peccatum non dicit per eum factum esse, vel eo nolente: sed tantūm sine eo, id est sine eius voluntate.

Quōd autem dicit August. in Enchirid. *ca. 69.* mala esse, bonum est, intelligendum est quōd *R. 8.* ex malis De^o bona elicit. Vnde dicit Aposto-
lus, Omnia cooperantur in bonum. Vel iis qui faciunt, vt August. dicit lib. de Correct. *cap. 7.* & Grat. vsque adeo Deus cooperatur in bonum, vt si qui eorum deuiant, etiam hoc ipsum faciat eis proficere in bonum: quia humiliores redeūt atq; doctiores, vt Petrus.

Quōd verō Deus non sit author mali culpæ testatur August. lib. 83. Quæst. vbi dicit, quōd Deo authore homo non fit dete- *9. 4.*
rior, nec fiunt mala Deo volente: quia ipse non est causa tendendi ad non esse: tendere enim ad non esse, malum est. Ipse autem author mali non est. Tendit verō ad non esse, qui operatur malum. non est igitur causa deficiendi, &c.

Non
lib. 2. on 352.
l. 1. 8. on
35. f. 155. a.

dum author
mali